

晦香詩鈔

青浦諸聯星如氏撰

晦香詩鈔

陳秉圭題

國初諸乾一進士以詩鳴江左招致騷人逸士飛觴醉月極一時文酒之盛而前輩如吳梅村王阮亭諸公詩筒投贈皆傾心推挹百餘年來九峯草堂已鞠為茂草然其文彩風流猶嘖嘖令人稱焉晦鄉乃乾一再從曾孫少工聲律為袁簡齋太史所器重其青溪三子之刻余友錢詹事已叙而行之矣今晦鄉境益困詩益多好從余遊將薈萃而梓其詩因乞一言以弁簡端夫吾邑風雅之源肇于二俊至忠裕集其大成國朝以來如王原楊陸崇胡鳴玉邵成正輩其所譔者可為後來矜式晦鄉近居咫尺又承其家學總角時即與陳蔡諸子以詩學相砥礪質地素敏問學日增故其集中如咏史擬古諸作皆婉約有法度至于哀生我之劬勞感此身之佗條纏綿悽愴有不事雕飾而神理渾然者殆昔人所謂情至而文生者歟使由此優而柔之擴而大之將見本深者末茂形大者聲宏造誼之精進余又安能量其所至哉余外舅鄒申蕃先生與晦鄉大父為內兄弟以舊姻故嘗登其堂流連觴咏極歡而散余老矣回思前日事不數十年境遇之變遷弗啻如雲烟之過眼序晦鄉之詩而今昔之感亦有不能去諸懷者是為序時嘉慶己未七十六歲老人述菴王昶書于履二齋

歲在上章月維端正于時白露團竹朱華歇池陳生方煮酒以讀騷諸子乃拏舟以款戶十年夢舊風雨連牀一卷高文珠璣滿紙其以所著寧遠堂集示予快睹新詩因譚往事蓋寧遠堂者學憲陶叟公之故宅也公系出西江支分南國稽郢門多列榮瑯琊世有傳人入東觀以修書金天作頌向西秦而典試玉尺量才推孝穆之科名羣思孝綽問王珣之別墅爭說王珣時則勿菴進士絕意簪纓放情邱壑長廊修館第宅連雲擘錦燒蘭賓朋滿座故老每誇為勝事後賢尚沐其餘風祖德斯傳父書具在晦鄉纘箕裘之業酣經史之遺詞翰徇通風神愴定聆其爽氣商飈之拂頰闌擬其蕙心穠露之披綠蒂鄭谷能詩之日已舉茂才蔣防作賦之年便稱博士方將簫青雲遊紫路蜚英聲于綺歲奏遙響于鈞天不圖終賈才華竟遲科目崔盧家世偏患清貧溯五世之聲華吹簫織簿弔九峯之池館衰草斜陽加以丙舍凋殘丁年孤露風驚斷雁時時傷荆樹之枯霜冷啼鳥夜夜灑蘭陔之淚望童烏而不返逼上愁臺悼金鹿之早凋難填恨海屢怨辛壬之婦頻空庚癸之山嘗世味之顛顛感年華之燦忽黑貂已敝悵季子兮誰憐白雪空彈問鍾期之安在有如是也旁觀亦為撫膺無可柰何當局能禁結轡者乎而晦香性本清狂才尤跌宕途窮不哭秋至何悲身世則九食三旬性命則五言七字茫茫陸海惟餘避債之臺兀兀愁城便作忘憂

田香言金
之館于是大酒肥魚之社東音西舞之場青琴白石之流博簊呼盧之輩觴餘舞蔗
跋扈飛揚奕罷橫刀瀏漓頓挫置身于非夷非惠吐論乃亦莊亦諧處處揶揄掀髯
一笑年年趙魏傾酒三升以此發其新聲頓可舒其逸興者矣今夫截業之山以不
平而增秀茁淪之水以多激而長鳴從古才人春聲流蕩由來名士秋氣蕭騷王郎
斫地而悲歌屈子問天而哀怨狂如李白罵似禰衡吳質工愁周昌負氣是則生非
燕趙不無慷慨之音即使譜入絃匏難語和平之旨然而調非轉壹體備古今每咏
物以懷人或感時而弔古其言志也則芬芳悱惻其宣情也則綿麗悠揚其雄放也
若萬馬之嘶風其清激也若孤鴻之叫月玉川怪謔長吉鬼幽踞案橫書槌牀叫絕
以故嬉笑怒罵盡是文章豈徒月露風雲足供揮灑也哉予與晦鄉誼深張范戚附
朱陳道合風騷性同顯賴向聯吟于白社曾編集于青溪爰于全藁之成重命鄙人
作序唯是琳瑯滿目我難辭著冀之嫌却疑棟樑在前君得毋嗜痂之癖內弟陳琮
愛筠氏拜題

晦齋詩鈔卷一

青浦諸聯星如氏撰

短歌行

宇宙浩浩古今悠悠。人生幾何能不懷憂。一解有書可讀。有酒可觴。我思古人。心何
不臧。二解涉彼五湖。言採明珠。蛟龍方張。噴沫揚鬚。三解涉彼山麓。言採良木。虎豹
方驕。磨牙礪鏃。四解坎坎擊鼓。前路風波。有懷靡聘。不如高歌。五解

雜詩

九畹有蘭蕙。獨立無人知。喟彼王者香。豈若薺菜施。薺施日以長。猶蒙雨露滋。芝蘭
處空谷。風霜凋其姿。當春不見採。芬芳亦何施。

鷓鴣寄一枝。鷗鵬振遠翅。大小雖云殊。飛翔實同志。丈夫自有為。貴賤豈異致。遐哉
古聖賢。所辨利與義。

卞和曾獻璞。再刖心淒惻。宋人獲燕石。緹巾竊深匿。瓦甃與瓊瑤。顛倒任胷臆。寧知
良玉珍。硤硤混不得。吁嗟當世人。此理殊未識。抗懷千載上。我情徒默默。
君子貴達節。志士苦長貧。傾囊黃金盡。誰復論交親。顏色亦云好。不敢耀青春。寂居
巖谷裏。吟眺全其真。餐霞食柏葉。聊以充昏晨。

滔滔東流水。搏之使倒行。寂寂園中竹。風忽吹成聲。動與靜相會。變態于焉生。誰能處塵俗。不受世故撓。渭亦非終濁。湮豈能長清。當前偶然事。未足為重輕。狐貉能禦寒。飢者如何食。菽粟能拯飢。寒者如何織。處置一失所。與人奚裨益。緬彼器使朝。竟各適其職。

孤桐生幽谷。託根深復深。一朝出山中。斲為綠綺琴。整絃復理柱。彈作滄浪吟。惜乎子期沒。曠世無知音。結宇入蒼碧。舒嘯山之岑。白雲空浩蕩。三歎淚沾襟。

鸚鵡棲茂樹。文彩銜容光。不求人世知。春風為翱翔。誰知有好事。網羅入瑤房。朝登綠玉案。夕宿黃金牀。俯仰得盛遇。束縛還自傷。何如雙白鵠。來往南山陽。

深山來一獸。乃自名麒麟。遊行擇處所。不與麋鹿羣。虛聲能動眾。文彩還驚人。人皆指為瑞。擬作廟廊珍。無何見腐鼠。攫之即狂奔。所聞異所見。焉知此非真。遂令百世

下真者長沉淪。

登山莫到頂。頂上難再升。看花莫待開。開後將飄零。結交莫結貴。貴多忘舊盟。達人有大觀。消息悟虛盈。

道旁生惡木。臃腫多枯枝。維此不材者。貽害未可知。我行適相見。慷慨將除之。斧斤弗在手。斬伐安所施。勗彼庭階花。善保芳菲姿。

舊雨悵分離。新交隔天末。天末得素書。朗誦心目豁。長安重輕肥。焉能念極褐。良朋敦古處。蘊真不可奪。身遠神自親。相思共明月。願言托征鴻。解我飢與渴。

輪囷千丈松。貞心有誰識。韜晦空山間。無人敢戕賊。桃李爭三春。灼灼傾城色。奈彼攀析繁。容華易沉寂。涉世貴識深。前路未可測。伊古賢良士。凜凜戒晏息。

蜘蛛織成羅。不可以為衣。米囊雖有花。不可以療飢。實理既無有。虛名將何依。天下類如此。宜審是與非。況乎君子心。尤當辨幾微。

花開燦庭樹。花落委階墀。不聞地上花。還能上高枝。流光一以去。白日如奔馳。既成衰朽質。誰念芳華姿。寸陰須自惜。珍重此良時。不見鄰家女。老大傷嫁遲。

富貴令人惑。貧賤令人愁。懷安實敗名。悵念空悠悠。曠覽古名世。寧與流俗謀。顏子居陋巷。諸葛建奇猷。聖賢各有見。出處豈相侔。嗟余顧此身。常為貧賤憂。貧賤誠足傷。富貴焉可求。已矣勿復言。杯酒且優游。

叔敖昔貴顯。其子窮負薪。仲子致裋鼎。不能逮事親。皇皇蓋大夫。有弟耳無聞。人生不自立。骨肉難依因。何況彼行路。妄思寄其身。

田園日以蕪。生計日以廢。困頓閭里間。遑思名與利。非無杵臼交。半路即相棄。非無遠遊心。前途乏車騎。悠悠百畝中。與世何同異。媚俗豈所甘。矯情亦所忌。回想古之

人簾餘有深意。

讀楚詞

騷人深夜歌離騷。丹楓斑竹聲蕭蕭。庚寅至今隔千載。懷沙賦罷心忉忉。楚山縹緲望不見。江潭寂寞魂誰招。形容枯槁骨欲銷。巫雲湘水悲蕭條。山鬼迴翔矯白日。美人遲暮托歌謠。猩猩晝啼猿夜泣。桂椒十丈巢鴟鴞。幽蘭叢叢被江皋。褰裳欲渡涕淚交。揚舲擊汰捲怒濤。女嬋娟兮怨媒勞。洞庭波生木葉下。咽幽篴兮舞潛蛟。帝子降兮在北渚。目眇眇兮魂搖搖。踟躕予美不可即。呼天欲問天正高。哀歌擊斷竹如意。東皇太乙雲旗飄。

送莫香北行

京國三千里。征車獨自過。何時逢岱岳。幾日渡黃河。海內親朋少。天涯魑魅多。臨歧無別語。前路慎風波。

擬唐人塞上曲

落日蕭蕭照大營。成樓一望朔雲平。三秋孤雁寒無影。萬里飛霜夜有聲。白骨連天新戰壘。黃沙滿地古長城。開邊不是君王意。諸將何須怨北征。

柳絮

撩亂柳花狂。飛飛入繡牀。春風吹汝去。何日到漁陽。

冰雪齋賞梅

古幹殊凡豔。相將靜夜看。簾疎新月淡。花瘦暮燈寒。酒政嚴非刻。心兵戰未闌。主人雅愛客。漏盡尚盤桓。

江上曲

明月罩芳洲。採花江上游。徘徊江水口。江水碧于油。桃花江上樓。日暮捲簾鉤。春風江上舟。雙槳揚輕喉。美人隔千里。轉側難為求。相思兩不知。兩地含離憂。

春閨詞

有美生南國。明妝似畫圖。碧窗朝蹴踘。紅燭夜撚繡。搖曳雲成態。溫柔玉是膚。閒行猶嬌嬾。小語倩人扶。輕盈原解意。少小亦含羞。紅豆相思苦。青鸞遠望愁。風搖金屈膝。花映玉搔頭。薄有吹簫技。無言上翠樓。笑倚合歡牀。高唐夢正長。不消施粉黛。未解事蠶桑。約伴攀楊柳。消愁刺鳳凰。徘徊還自炫。應許嫁王昌。

滿懷初抱月。雙鬢又添霞。宛轉歌喉緩。踟躕舞袖斜。輕風飛燕子。細雨落桃花。且向

牆頭望東鄰。非宋家。

最怕繡衾單。宵深尚倚闌。歸須歌緩緩。來是望姍姍。入月期偏早。傾城笑亦難。蛾眉生本好。畫就教誰看。

年紀剛三五。閨房秀有名。妝成猶擘鏡。睡起即彈箏。帳捲芙蓉暖。釵垂翡翠輕。每憐嬌豔甚。顧影不勝情。

春晚偶咏

頓覺塵懷逐漸芟。世途滋味辨酸鹹。芭蕉綠染蝦鬚箔。萱薳香薰燕尾衫。一縷閒情花記取。十分春色鳥偷銜。宵來祇怕清容減。幾度臨風掩鏡函。

訪友不值

不見山中人。山中草空綠。離情晚更深。自擁梅花宿。

晦香居落成漫賦

綺歲心情愛楚歌。滋蘭樹蕙號吟窩。白雲徑裏塵蹤少。紅雨聲中短夢多。豈向山林誇著述。偶貪耕鑿住巖阿。丰塵便是埋愁地。從此家居慶有那。有志方知事竟成。園丁招與細談評。讓將喬木稱前輩。護得好花待後生。三窟營來笑狡兔。一枝借去問流鶯。先人舊澤欣猶在。堂構空慙世上名。

風風雨雨。雨。雨。飄。離。燈。火。蜂。窠。住。適。宜。不。速。客。來。雙。燕。子。似。知。人。意。百。花。枝。榮。衰。後。日。
終。難。定。歌。哭。他。年。或。在。斯。一。種。蕭。閒。今。領。略。漁。郎。樵。父。共。棲。遲。
晚。來。細。檢。舊。行。蹤。買。就。雲。間。第。幾。峯。作。繭。漫。同。蠶。苦。楚。銜。泥。曾。勸。燕。從。容。世。情。已。驗。
門。前。在。好。夢。難。徵。腹。上。松。聞。說。玉。皇。香。案。下。有。人。笑。我。近。疎。慵。
孤。亭。端。整。附。城。邊。桐。帽。梭。鞋。舊。散。仙。幾。樹。春。風。楊。柳。下。一。灣。流。水。杏。花。前。略。開。仲。蔚。
蓬。中。徑。絕。勝。張。融。岸。上。船。此。地。紅。塵。飛。不。到。保。身。藏。拙。自。雙。全。
卅。字。迴。廊。亞。字。牆。一。邱。一。壑。費。平。章。月。惟。臨。水。清。難。並。山。是。當。樓。瘦。不。妨。奈。已。漸。成。
村。野。癖。何。如。永。謝。應。酬。忙。空。齋。慙。愧。無。修。飾。四。壁。圖。書。夜。有。光。
自。在。身。如。置。畫。圖。閒。來。注。水。弄。葫。蘆。夜。來。星。月。驚。青。鬢。秋。老。心。懷。付。碧。鱸。小。病。恰。宜。
人。冷。落。清。談。還。破。睡。工。夫。昨。宵。枕。上。多。安。穩。細。算。黃。梁。夢。有。無。
幾。陣。東。風。吹。尚。溫。幽。人。能。占。水。雲。村。尋。山。體。弱。須。攜。杖。搜。句。腸。枯。合。閉。門。春。柳。庭。前。
張。緒。貌。秋。蘭。戶。外。屈。原。魂。名。花。數。本。書。十。卷。還。望。他。年。好。子。孫。

海棠花下小飲

曉風吹破胭脂萼。輕雲壓樹纖枝弱。昨宵清夢到紅梢。攜杯獨向階前酌。一杯復一。
酌。好花面上落。顏。然。力。不。勝。忘。記。前。宵。約。忽。聽。流。鶯。枝。上。啼。我。却。醒。來。花。睡。著。

寒食

楊柳青青春可憐。杜鵑聲斷夕陽天。年來乞米嗟無路。猶說今朝是禁煙。

麗人曲

妖冶誰家女。色與芙蓉匹。珠簾垂畫屏。迴風彈寶瑟。明日曲江游。為檢凌波轂。

試後送馬鶴汀

空庭花亂飛。遄歸戒行李。酌酒明鐙前。離情向江水。慷慨發長謠。悠悠渺知己。挾瑟青齊間。榛塗詎如砥。緬彼遶鐘音。賞音慎所企。心手諒素閑。奚俟傾人耳。高山或有期。朱絃勉重理。

棄婦篇

鄰家有女忽夜哭。寂坐淒淒愁萬斛。詢知棄婦怨中宵。三春擁被嗟孤獨。自言妾係五陵豪。四姓良家建節旄。父本封侯兄萬戶。家世流傳甲第高。妾長瑤房人弗見。幽閒貞靜稱閨彥。腰肢未肯惹東風。心性何嘗學輕燕。郝鍾禮法永無愆。閨中祇與暗相憐。吟成柳絮都難和。繡出鴛鴦到處傳。少小能裁復能織。中夜辛勤機不息。閒來含笑對仙銅。更喜芙蓉比顏色。芙蓉顏色果何如。婀娜隨風豔態舒。珠簾夜月侵羅薦。甲帳薰爐暖繡襦。珠簾甲帳添芳韻。珊瑚翡翠嬌裝束。花下低徊舞小垂。柳陰柔

脆歌長曲。從此聲名動四鄰。宜愁宜笑復宜顰。才華竊比蘇家蕙。明慧寧輸江氏蘋。
父母相看特鍾愛。謂兒莫作庸奴配。胡帝胡天淇上姝。傾城傾國延年姝。一旦明妝
締好姻。偷看夫婿劇消魂。牙牀角枕恩無極。鵲翼燕懷事有真。將謂年年舉案好。君
子同心歌偕老。卓氏免教怨白頭。明妃何至埋青草。况儂身體似凝脂。二八嬌年瓜
破時。忍使子京憐半臂。儘煩張敞畫雙眉。誰知遇合有更變。文采不中時人選。賦就
黃金下玉樓。歌殘紈扇辭班殿。左右見妾涕交零。煩言嘈聒來丁寧。解道菱花展明
鏡。終無免絲等浮萍。聞說東隣窈窕女。而今結就相思縷。朝雲暮雨記歡蹤。地久天
長傳誓語。有色誰云知者希。有才奚慮棄如遺。却緣此日聲聲泣。定悔當時事。事非
妾聞斯言益疑懼。邂逅何年得相遇。前日原同解語花。今朝竟作沾泥絮。落絮飛花
去不還。玉杵藍橋會更難。始信長門悲白首。應憐薄命是紅顏。紅顏素靨已驚瘦。鳳
泊鸞飄還話舊。銀鑰歲寒不忍開。金箱宛轉何由售。中道乖違棄置輕。三生業障別
離情。矧逢故婦悲傷日。正聽新人嬉笑聲。新人豈擅傾城色。郎君却謂殊難得。妾亦
何顏敢妒人。聞郎歌舞心常惻。郎舞郎歌慰所思。妾愁妾怨苦自持。聞愁無復鶯花
約。幽怨慚教姊妹知。姊妹風流事如願。琴瑟諧和聲不斷。青鬢蓬鬆睡眼嬌。翠翹狼
籍春心亂。春心繚亂正愁懷。樂事差堪憶夢中。夢中畧識歡忻味。醒後依然懊惱胸。

一身都被芳情誤。到今始悔將誰訴。階前無限落紅飛。自惜芳菲節空度。

賣花詞

滿擔紅花走曲隈。香閨好夢未曾回。嬌聲一路如鶯囀。喚得蕭娘推枕來。
何處吹來楊柳風。瓊葩瑤蕊盡玲瓏。回看十二珠樓女。可有籃中一半紅。

閨思

花發海棠樹。春從繡戶來。低聲問小婢。昨夜幾枝開。

送別

風蕭蕭。雲靄靄。車馬聲長亭外。歌別離。都慷慨。望前途。祈自愛。路十盤。河九派。送君行。向君拜。歲不與。時難再。憶當年。春風前。乘寶馬。登紅船。酒一壺。詩百篇。謂永好。相留連。奈何許。舍我去。惜君去。留君住。留不能。涕如雨。盼停雲。指江樹。離人懷。幾時開。數歸期。計歸來。計歸來。腸九回。况飛雁。聲聲哀。聽不得。且銜杯。

妓館聞鷓鴣戲作

酒綠燈青無限情。忽來簾外鷓鴣聲。料他聽慣人間話。祇解攀留不勸行。

漫興

家近蕭蕭水竹灣。三春愁緒自連環。遊仙夢斷魂猶健。誌怪書成彙未刪。有命方知

前日誤不才乃剩此身閒。一龕坐卧殊清絕。門外江鷗許往還。
葛天氏尚有遺民。琴薦香篝好寄身。淺草多情含曉雨。衰鶯無語怨殘春。偶成功業
皆奇士。得領煙霞是放臣。堯韭禹糧親手種。不應仍說庾郎貧。
負郭新耕數畝田。生平端不受人憐。友于晤後重貽酒。春到晴時別有天。卧病經旬
祇剩骨。讀書萬卷弗如錢。翻飛竊憾無雙翼。還向深山住幾年。
壑得松畦隱計成。孤猿野鶴訂新盟。傍檐小鳥依人慣。落澗餘花帶水輕。為看殘雲
添畫本。或因多病減詩情。年來未免傷岑寂。細聽春風杜宇聲。

同愛筠坐雨繡雪山房

空山花欲開。草堂酒初熟。境空心益閒。相賞愜幽獨。日暮寒煙飛。細雨灑茅屋。欲窺
了無痕。瀟瀟響修竹。坐久微涼生。悠然絕塵俗。絃詩得真趣。無聲意亦足。余本厭煩
囂。此間同卜築。

族祖乾一公築九峯草堂海內名流盡登其座為一時盛事今已荒廢無復舊
觀因詩以誌慨

前山後山峯玲瓏。遠山近山煙溟濛。似連非連極竄窳。欲斷不斷窺簾櫳。吾祖雅量
世莫比。築室依山借山起。李愿曾居盤谷中。龐公合住襄陽裏。垂楊樹底聽鶯啼。芳